




ԱՎԱՐՏԱԾԱՌԵՐԻ ՊԱՇՏՊԱՆՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Սույն թվականի մարտի 15-ին և մայիսի 13-ին Ս. Էջմիածնի հոգևոր ճեմարանի հանդիսությունների դահլիճում տեղի ունեցավ հոգևոր ճեմարանի 9 շրջանավարտների դիպլոմային ավարտաճառերի բանավոր պաշտպանությունը:

Մարտի 15-ի պաշտպանությանը ներկա էին Գերագույն հոգևոր խորհրդի ատենապետ գերաշնորհ Ս. Սիոն արքեպս. Մանուկյանը (ատենավար), Մայր Աթոռի լուսարարապետ գերաշնորհ Ս. Հուսիկ արքեպս. Սանթրոյանը, հոգևոր ճեմարանի տեսուչ Ս. Եզնիկ քհն. Պետրոսյանը, Մայր Աթոռի միաբանությունը, հոգևոր ճեմարանի դասախոսական կազմը, ուսանողությունը և հյուրեր:

Պաշտպանությանը ներկա էին նաև ՀԽՍՀ Միևնախորհրդի խորհրդին առնթեր Հայ Եկեղեցու Գործերի խորհրդի նախագահ տիար Ստեփան Վարդանյանը և տեղակալ տիար Ռաֆիկ Զարգարյանը:

Հոգևոր ճեմարանի տեսուչ արժանապատիվ Ս. Եզնիկ քհն. Պետրոսյանի բացման խոսքից հետո, ավարտաճառերի պաշտպանության քննիչ հանձնաժողովի նախագահ գերաշնորհ Ս. Անանիա եպս. Արաքսյանը լսեց հանձնախմբի անունից, որի կազմում էին հոգևոր ճեմարանի դասախոսներ, բանասիրական գիտությունների դոկտոր պրն. Փայլակ Այնթափյանը և բանասիրական գիտությունների թեկնածու պրն. Գևորգ Բաղդիշյանը, ներկայներին է ներկայացնում հանձնախմբի եզրակացությունները շրջա-

նավարտների ավարտաճառերի վերաբերյալ:

Այնուհետև իրենց ավարտաճառերի բանավոր պաշտպանությամբ հանդես եկան և Ս. Էջմիածնի հոգևոր ճեմարանի շրջանավարտի դիպլոմ ստացան՝ Ս. Արսմ քհն. Հունանյանը, Սիմոն արկ. Առուշանյանը, Անդրանիկ արկ. Տերտերյանը, Հովակիմ արկ. Քիլեճյանը և Էլքեկ արկ. Քարամյանը:

Շրջանավարտների երկրորդ խմբի մայիսի 13-ի պաշտպանությանը նախագահում էր Գերագույն հոգևոր խորհրդի ատենապետ Ս. Սիոն արքեպս. Մանուկյանը: Քննիչ հանձնաժողովը այս անգամ հանդես էր գալիս հետևյալ կազմով. Եգիպտահայ թեմի առաջնորդ Ս. Զավեն արքեպս. Չինչիմյան (նախագահ), հոգևոր ճեմարանի դասախոսներ, բանասիրական գիտությունների դոկտոր պրն. Փայլակ Այնթափյան և բանասիրական գիտությունների դոկտոր պրն. Խաչիկ Բաղիկյան:

Այս անգամ հոգևոր ճեմարանի տեսուչ արժանապատիվ տեր հոր բացման խոսքից հետո իրենց դիպլոմային ավարտաճառերի բանավոր պաշտպանությամբ հանդես եկան հոգևոր ճեմարանի շրջանավարտներ Մուրադ արկ. Սողոմոնյանը, Արս արկ. Հովհաննիսյանը, Սերժիկ արկ. Մանուրյանը և Մարգիս արկ. Ղանդիլյանը:

1. Արսմ քհն. Հունանյան.

Ավարտաճառի թեման էր՝ «Սյունիքի Սողոմոնի պատմամշակութային հուշարձանները»:

Ուսումնասիրությունը բաղկացած էր անբաժնությունից, երկու բաժանումներից (Սողքի հին բնակավայրերը, վանքերն ու եկեղեցիները և Սողքի վիճակությունը) և պատմամշակութային հուշարձանների ու խաչքարերի մոտ 95 լուսանկարներից իրենց արձանագրություններով:

Ներկայացված աշխատանքը արժանացավ լավ գնահատականի:

2. Սիմոն սրկ. Առուշանյան.

Ավարտաճառի թեման էր՝ «Գրիգոր Տաթևացու «Մեկնութիւն Սողոմոնի» աշխատությունը: Ներկայացված ավարտաճառը բաղկացած էր 44 էջ ուսումնասիրությունից, որն ընդգրկում էր Գրիգոր Տաթևացու կյանքն ու մատենագրական վաստակը, ՄՄ № 1099 ձեռագրի նկարագրությունը և 82 մեքենագիր էջ բնագրից:

Ներկայացված ուսումնասիրությունը գնահատվեց քաջալավ:

3. Անդրանիկ սրկ. Տերտերյան.

Ավարտաճառի թեման էր՝ «Գանձասարի կաթողիկոսությունը 18-րդ դարի առաջին կեսին»: Ներկայացված ուսումնասիրությունը կազմում էր 55 մեքենագիր էջ և ուներ հետևյալ բաժանումները.

Նախաբան, Գանձասարում տիրող քաղաքական վիճակը 18-րդ դարի առաջին կեսին, Գանձասարի կաթողիկոսությունը 18-րդ դարի առաջին կեսին և եզրակացություն:

Ներկայացված ավարտաճառը գնահատվեց լավ:

4. Հովակիմ սրկ. Ջիլեճյան.

Ավարտաճառի թեման էր՝ «Մատթեոս Զուղայեցու «Մեկնութիւն Յովհաննու ավետարանի» երկը:

Այն բաղկացած էր 68 մեքենագիր էջ ուսումնասիրությունից, որտեղ հեղինակը համառոտ կերպով ներկայացրել էր իր ավարտաճառի բովանդակությունը, ձեռագրի հիշատակագրություններն ու տարրնթերցումները և 153 մեքենագիր էջ բնագրից՝ ըստ ՄՄ № 5871 ձեռագրի:

Ներկայացված աշխատանքը գնահատվեց բավարար:

5. Էլբեկ սրկ. Ջարամյան.

Ավարտաճառի թեման էր՝ «Եփրեմ Սևեցի Աջապահյան կաթողիկոսի «Մեկնութիւն Յովհաննու մարգարէի» աշխատությունը:

174 մեքենագիր էջից բաղկացած այս ուսումնասիրությունը կազմված է առաջաբանից, չորս առանձին գլուխներից և վերջաբանից:

Ներկայացված աշխատանքը արժանացավ լավ գնահատականի:

6. Մուրադ սրկ. Սողոմոնյան.

Ավարտաճառի թեման էր՝ «Գրիգոր Տաթևացու «Մեկնութիւն Եսայևայ մարգարէի» աշխատությունը:

Այն բաղկացած էր 140 մեքենագիր էջից, որի հեղինակը «Երկու խոսք»-ով ներկայացրել էր իր աշխատանքի էությունն ու նպատակը, այնուհետև անդրադարձել էր Գրիգոր Տաթևացու կյանքին ու մատենագրական վաստակին և վերջում գետեղել էր աշխատության բնագիրը՝ ըստ ՄՄ № 5871 ձեռագրի:

Ներկայացված ավարտաճառը գնահատվեց բավարար:

7. Աբա սրկ. Հովհաննիսյան.

Ավարտաճառի թեման էր՝ «Ս. Գրիգոր Տաթևացու «Մեկնութիւն «Երգոց Երգոյն» աշխատությունը:

53 մեքենագիր էջի սահմաններում հեղինակը ներկայացրել էր Գրիգոր Տաթևացու կյանքն ու մատենագրական վաստակը և «Մեկնութիւն «Երգ Երգոց»-ի» բնագիրը՝ ըստ ՄՄ № 1200 ձեռագրի:

Ներկայացված դիպլոմային ավարտաճառը գնահատվեց լավ:

8. Սերժիկ սրկ. Մանուրյան.

Ավարտաճառի թեման էր՝ «Գրիգոր Տաթևացու «Մեկնութիւն Ժողովողի» և «Իմաստութիւն Սողոմոնի»:

Ուսումնասիրությունը բաղկացած է 117 մեքենագիր էջից և ունի հետևյալ բաժանումները.

Ներածություն, Գրիգոր Տաթևացու կյանքն ու մատենագրական վաստակը, «Գիրք ժողովողի աւանդէ Յիսուս», «Յաղագս իմաստութեան Սողոմոնի» (ՄՄ № 1099 ձեռագիր):

Կատարված աշխատանքը գնահատվեց բավարար:

9. Սարգիս սրկ. Ղանդիլյան.

Ավարտաճառի թեման էր «Սսից Կաթողիկոսական Աթոռը տեղափոխելու նախապատմությունից»:

Ուսումնասիրությունը քաղկացած էր նե-

րածությունից և «Սսից Կաթողիկոսական աթոռը տեղափոխելու նախապատմությունից» գլխից (50 մեքենագիր էջ):

Ներկայացված դիպլոմային ավարտաճառը արժանացավ քաջալավ գնահատականի:

